

Bo sèn. Protehá.

Kuantu di bo sèn ta protehá?

Te un máksimo di Cg 50.000

pa persona pa banko òf fondo di spar

Te un máksimo di Cg 25.000

pa persona pa union di krédito

Entrante 1 di yüli 2025 e sèn riba bo kuantanan na banko, fondonan di spar i union di krédito na Kòrsou ta protehá automátikamente dor di e Sistema di Garantia di Depósito (depositogarantiestelsel, DGS). Pues pa esaki no mester di tuma akshon. Banko Sentral di Kòrsou i Sint Maarten (CBCS) ta e outoridat ku ta manehá e protekshon aki.

Kiko ta e Sistema di Garantia di Depósito?

E DGS ta sigurá ku bo no ta pèrdè tur bo sèn si un banko, fondo di spar òf union di krédito bai fayit. Danki na e Sistema di Garantia di Depósito bo por spar ku trankilidad, pasobra bo sèn ta protehá na un banko, fondo di spar òf union di krédito.

Ken ta protehá?

Tur hende ku tin un òf mas kuenta na banko, fondo di spar òf union di krédito na Kòrsou ta protehá. No ta importá si bo ta un residente òf nò, basta e kuenta ta (konhuntamente) riba bo nòmber.

Mas informashon

Si bo tin mas pregunta òf tin mester di mas informashon tokante e protekshon ku DGS Kòrsou ta brinda, tuma kontakto libremente ku CBCS su bali di informashon:

☎ +599 (9) 4345500

✉ dgs@centralbank.cw

🌐 www.dgs.cw



DGS.cw
Deposit Guarantee Scheme



Ta importante pa tene kuenta ku e montante máksimo **ta konta pa persona pa instansia, no pa kuenta**. Pa akclará, nos ta duna dos ehèmpel abou:

Kenly ta kliente na un banko na Kòrsou

Tipo di kuenta	Saldo
Kuenta koriente	Cg 4.000
Kuenta di spar	Cg 20.000
Depósito di término	Cg 40.000
Saldo total	Cg 64.000
► Protehá pa DGS	Cg 50.000



Kenly ta protehá te ku Cg 50.000 na e banko aki. Pues, si su banko bai fayit, Kenly lo risibí un máksimo di Cg 50.000 bèk.

Marlene ta kliente na un union di krédito

Tipo di kuenta	Saldo
Kuenta di spar	Cg 15.000
Depósito di término	Cg 7.000
Saldo total	Cg 22.000
► Protehá pa DGS	Cg 22.000



Marlene ta kompletamente protehá pasobra e montante total riba su kuantanan ta bou di e límite di protekshon di Cg 25.000 na un union di krédito. Si su union di krédito bai fayit, e lo risibí e montante kompletu di Cg 22.000 bèk.

Mantené bo informashon aktual

Sòru pa bo banko, fondo di spar òf union di krédito tin bo informashon korekto i mas aktual, manera:

- Nòmber i fam kompletu
- Fecha di nasementu
- Identifikashon (manera Sédula òf number di pasport)
- Adrès di kas
- Informashon di kontakto (number di telefòn i email)



E foyeto di informashon aki tokante di e Sistema di Garantia di Depósito (DGS) Kòrsou ta duna un bista di e protekshon ku DGS ta ofresé. E no ta destiná komo un interpretashon legal di e lei- i regulashonnan aplikabel pa e sistema. E informashon den e foyeto aki ta basá riba e lei- i regulashonnan ku ta na vigor na Kòrsou entrante 1 di yuli 2025. Pa e kuadro hurídiko i kobertura mas resien di DGS, por bishitá e wèpsait ofisial: www.dgs.cw.